


CELEBRACIÓN DO DOMINGO EN OS COTOS

7-8 de abril do 2018

II DO TEMPO DA PASCUA



OS COTOS COA IGUALDADE VERDADEIRA DAS PERSOAS,
CO POBO DE SIRIA QUE SOFRE UNHA GUERRA INXUSTA,
COS REFUXIADOS E MARXINADOS DA SOCIEDADE
E COA NATUREZA MALTRATADA POLOS INCENDIOS



1.- ENCONTRO DA COMUNIDADE

(tod@s de pé)

@ monitor/a está na sé

CANTO 🎵 n° 82 *A Cristo cantamos*

SAÚDO DE BENVIDA

Celebrante

Benvidos sexamos todos a este encontro. Reunímonos para facer comunidade no nome do Pai, do Fillo e do Espírito Santo.

Fai oito días, con toda a Igrexa festexabamos a Pascua do Señor, a súa vitoria sobre o pecado e a morte. Oito días despois voltamos a nos reunir como a primeira comunidade cristiá; coma eles imos descubrir a presenza do resucitado: Coma eles imos escoitar cal é o primeiro saúdo do Resucitado: PAZ.

Nun mundo cheo de conflitos, queremos ser igrexa pacificadora, que tende pontes de encontro, que derruba muros, que acolle e pon luz nas tebras. Hoxe o primeiro que facemos é deixarnos alumear por Cristo o Resucitado.

ACOLLIDA DO FAROL DA LUZ

Celebrante Acendemos o cirio pascual da parroquia co lume que acendíamos na vixilia pascual. Era lume de encontro e de calor de fogar; era lume de comunidade, agora acollémolo: 🎵 n° 82 *A Cristo cantamos na luz*

*Achégase a persoa co farol
e ao rematar a canción acende o cirio*

Celebrante

Señor Xesús,
que a túa luz nos permita ver
o que de luminoso teñen as nosas vidas,
o que de luz hai nos demais,
o que de esperanzador teñen as nosas existencias

repítese o estribillo da canción

ORACIÓN PROPIA DO DIA

Celebrante rematamos a primeira parte da celebración presentando no silencio o que rebule no noso interior.

(silenzo)

Deus de eterna misericordia,
ti dáslle azos á fe do teu pobo
coa celebración anual das festas da Pascua.
Fai medrar en nós os dons da túa graza,
para que comprendamos mellor que grandes
son o bautismo que nos purificou,
o Espírito que nos fixo renacer
e o sangue que nos redimiu,
por Cristo, noso Señor. Amén

**2.- PROCLAMACIÓN DA
PALABRA DE DEUS**

(sentad@s) a palabra de Deus proclámase dende o ambón

Celebrante No comezo da pascua somos invitados a superar a nosas actitudes derrotistas e desalentadoras. Os textos que agora proclamamos vannos amosando que as actitudes dos primeiros cristiáns eran a esperanza, a alegría, a confianza, a perda do medo. Escoitemos.

No Leccionario I B páxina 133

LECTURA

LECTURA DOS FEITOS DOS APÓSTOLOS

♪ *nº 55 No colo da miña nai*

SALMO

(en pé) No Leccionario I B páxina 135

EVANXEO

PROCLAMACIÓN DO SANTO EVANXEO

SEGUNDO XOÁN

(sentad@s) gardamos uns instantes de silencio para acoller a palabra no corazón

ACOLLIDA DA AUGA

Agora que nos dispomos para rezar o credo, presentamos a auga da vida coa que fixemos memoria do noso bautismo na celebración da vixilia pascual. Alí compartíamos a auga de toda a comunidade de Os Cotos, agora aquí traemos esa auga que nos une en parroquia, e coa que queremos renovar os compromisos que un día fixeron por nós os nosos pais e padriños.

(en pé)

Achégase a persoa que leva a auga, vacíaa na pía bautismal (e na tina preparada) e deixa a garrafa aos pés do cirio pascual

Celebrante Agradecemoslle a Deus os dons da vida cos que El nos agasalla, e facémolo dicindo

BENDITO SEXAS POR SEMPRE SEÑOR

Monitor/a

* Deus creador de todas as cousas, que pola auga e o espírito, nos fixeches renacer á vida do evanxeo

* Xesús, Ti que convidaches á primeira comunidade a ser testemuña anunciando o evanxeo a todas as xentes

* Espírito Santo, que fas renacer á Igrexa pola alento da Pascua, e que nos convidas a ser auga viva

RENUNCIAMOS AO MAL

Celebrante Neste tempo da Pascua, deixándonos alumar pola luz da fe que recibimos no bautismo, renovamos os nosos compromisos na loita contra o mal.

- Renunciades a cervos superiores aos outros; isto é: a calquera clase de abuso, discriminación, orgullo, egoísmo e desprezo? **SI, RENUNCIO**
- Renunciades a calar diante das inxustizas e das necesidades das persoas e das institucións, por covardía, preguiza, comodidade e vantaxes persoais? **SI, RENUNCIO**

- Renunciades a os criterios e comportamentos materialistas que fan do diñeiro a aspiración máis grande da vida; que poñen o pracer por riba de todo; que procuran o negocio como un valor absoluto, mesmo por enriba das persoas, e que aprecian o ben propio como anteposto ao ben común?

SI, RENUNCIO

Monitor/a

Credes en Deus, Pai e Nai de todos os homes e mulleres, que nos agarima coas súas mans abertas e cheas de tenrura?

SI, CREEMOS

Credes en Xesús Cristo, o seu fillo benquerido, sempre disposto a acoller e a dar unha man para mellorar a vida dos demais?

SI, CREEMOS

Credes no Espírito de Deus, que nos alenta esperanza para soñar con outro mundo máis acolledor, que nos alenta forza para berrar ante as inxustizas, que nos alenta amor para coidar da nosa Terra?

SI, CREEMOS

Credes na Igrexa, unha Igrexa que se fai crible en comunidade, dando unha man para facer do mundo e da natureza fogar coidado no que todos os homes e mulleres son respectados?

SI, CREEMOS

(en pé)

ORACIÓN UNIVERSAL

Celebrante Irmáns e irmás, invoquemos agora a misericordia de Deus que nos convoca a amar a todos; oremos dicindo

Señor da vida, escoita a nosa oración

Monitor/a

- A Cristo, que na súa resurrección destruíu o pecado, pidámoslle que todos os cristiáns sexamos coherentes coas promesas do noso bautismo, oremos
- A Cristo, que na súa resurrección renovou a vida, pidámoslle polos que viven sen esperanza, oremos
- A Cristo, que na súa resurrección encheu de alegría a todos os pobos, pidámoslle que na nosa comunidade de Os Cotos sexamos quen de manter vivo o gozo da fe, oremos
- A Cristo, que coa súa resurrección anunciou a alegría ao mundo pidámoslle que renove a esperanza dos refuxiados e de todos os que sofren e choran. Oremos.

Celebrante Señor Xesús, que saibamos recoñecerte na asemblea dos irmáns e irmás, pedímoscho a ti que vives e reinas Resucitado por sempre eternamente, Amén.

3.- OS SIGNOS DA COMUÑÓN CON DEUS E COA COMUNIDADE

NOSO PAI

Celebrante Rezamos xuntos, pedindo ao Pai o don de amar ó xeito do seu Fillo Resucitado. NOSO PAI ...

SIGNO DA PAZ

Celebrante “PAZ CONVOSCO”; as palabras do resucitado recorren dous milenios para ser pronunciadas hoxe na nosa comunidade. Fagamos honor ao noso nome de cristiáns; acollamos a paz e contaxiémoslla a todos. Démonos a paz coma irmáns.

CANTO 🎵 n° 36 *Fagamos a paz irmáns*

COMUÑÓN

Celebrante: Pola man dos apóstolos facíanse moitos signos e aquela primeira comunidade botaba a andar. Nós compartimos unha mesa en comunidade como signo dunha vida toda ela compartida, no que temos, no que somos, no que amamos, no que valem. Ditosos nós convidados a esta festa da Pascua do Señor.

CANTO 🎵 n° 55 *No colo da miña nai*

4.- AVISOS E DESPEDIDA

ORACIÓN FINAL

Celebrante Señor, concédenos que o sacramento pascual que acabamos de compartir, viva para sempre nos nosos corazóns, por Cristo, Noso Señor.

Que o Señor nos bendiga, † nos garde de todo mal e nos leve á vida eterna. Amén

Avísase das misas (ver folla do mes)